



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXXV. Gregorii Papae I. Ad Victorem Et Colvmbvm Africæ
Episcopos. De haeresi Donatistarum iterum pullulante.

urn:nbn:de:hbz:466:1-15221

quod subdiaconum oportuerat exhibere, cessauit. Post cuius obitum, quia reliqua eius Honorato marito est socia-
ta, a tua eam fraternitate in monasterio cognouimus esse
deputatam. Ideoque si, ut fertur, eius se maritus ab ad-
ministratione suspendit, antedictæ mulieri non debet office-
re, quod ad secundam coniugii copulationem migravit:
præfertim si non tali mente subdiacono iuncta est, ut a car-
nis voluptatibus abstineret. Si ergo ita se veritatem, quem-
admodum edocimus, habere cognoscis; prædictam te
mulierem de monasterio per omnia conuenit relaxare, ut
ad suum maritum sine aliqua possit formidine remeare.
De cetero vero fraternitas tua sit omnino solicita, ut quos
ad hoc iam officium contigerit promoueri, hoc quam ma-
xime diligenter inspiciat; ne si vxores habent, miscendi se
cum eis licentia potiantur, sed ad similitudinem sedis apo-
stolicæ eos cuncta obseruare sua nihilo minus distinctione
constituat.

EPISTOLA XXXV.

GREGORII PAPÆ I.

AD VICTOREM ET COLVMBVM AFRICÆ EPISCOPOS.

De hæresi Donatistarum iterum pullulante.

Gregorius Victori & Columbo episcopis Africæ.

QUALITER neglectus inter initia morbus vires acci-
piat, ex nostris necessitatibus, quas patimur, in hac
ciuitate constituti probauimus. Huic igitur nascenti mor-
bo, si doctorum obstaret prouisio medicorum, scimus qui-
dem quia ante cessaret, quam tarde procuratus plurimum
noceret. Huius ergo considerationis ratio vehementer
nos debet impellere, ut animarum morbis initiantibus to-
ta festinemus possibilitate resistere, ne dum salubria adhi-
bere medicamenta negligimus, multorum nobis vita, quos
Deo nostro contendimus lucrari, subripiatur. Vnde nos
oportet ita caulas ouium, quibus nos custodes videmur
esse propositi, vigilanti custodia atque sollicitudine præ-
munire, quatenus lupus insidians vndique pastores sibi
repugnantes inueniat, & viam ingrediendi in eas non ha-
beat. Comperimus siquidem Donatistarum stimulos sic in
illis partibus gregem turbasse dominicū, ac si nullius pasto-

Concil. Tom. 13.

B b b

ris moderamine regeretur. Nuntiatumque nobis est, quod dicere sine graui dolore non possumus, quod pluri-
mi eorum venenatis iam sint dentibus laniati. Denique sa-
cerdotes, canonicos prauissima de suis ecclesiis temerita-
te repellere: & multos insuper, quibus salutem regenerationis aqua præbuerat, rebaptizantes, prauitate nefandissima ne cauisse dicuntur. Quæ res animos nostros valde
mœstificat, quod vobis illic positis damnatae præsumptio-
ni tantum scelus perpetrare licuerit. Quia de re fraternita-
tem vestram scriptis præsentibus adhortamur, ut habito
traetatu, initoque Concilio, ita nascenti huic adhuc mor-
bo inhianter ac tota virtute debeat obseruare, dummo-
do nec vires ex neglectu percipiat, nec in commisso vobis
grege pestilentiae damna concutiat. Nam si quolibet mo-
do, quod non credimus, incipienti negligitis iniquitatire-
sistere, plurimos erroris sui gladio vulnerabunt. Et est pro-
fecto grauissimum, laqueo diabolicae fraudis irretiri per-
mittere, quos prius possumus, ne alligentur, eripere. Me-
lius est autem ne quisquam vulneretur obseruare, quam
vulneratus qualiter sanari possit exquirere. Hoc itaque
considerantes sacrilegam prauitatem sedula oratione ac
virtute qua valetis obruere festinate, ut & subsequens
nuntius, Christi gratia suffragante, de eorum nos vltione
lætificet, magis quam de excessu contristet. Paulum præ-
terea fratrem & coepiscopum nostrum ad nos, quo potes-
tis studio, omni sub festinatione dirigite, quatenus ab eo
causas subtilius tanti facinoris agnoscentes, huic nefandissimæ
prauitati cum creatoris nostri solatio medicinam di-
gnæ possimus correptionis imponere.

EPISTOLA XXXVI.

GREGORII PAPÆ I.

AD MAXIMIANVM EPISCOPVM SYRACVSANVM.

Præcipit ut Euplo patris bona reddantur.

Gregorius Maximiano episcopo Syracusano.

EVPLVS præsentium portitor Eusanius Agrigentina
ciuitatis episcopum suum fuisse memorat genitorem,
matrisque suæ res apud eum plurimas indicat mansisse.